

**Акафист Пресвятей Богородице
в честь иконы Ея «Отрада и Утешение»**

Кондак 1

Возбрáнных сил небéсных рáдость и хвáление, всего́ же рода челове́ча исправлéние, ублажа́ем Тя, Пречíстая Дéво Мáти, Ты же, нáше упováние едíное, низпослí душáм отраду благодáтную, да поём Тебé, óбраз дíвный Твой чтúще:

Рáдуйся, Невéсто нетлénная, свéтлая нáша отрадо.

Икос 1

Ангелов лiцы дивя́тся, óбраз афóнский Твой зря́ще, на нёмже, Пречíстая Дeво и Мáти, от уст нетлénных руко́ю десно́ю десни́цу Младéнца отвóдиши крóтко. Что есть сие́ зна́мение óбраза? Мы же речём, пою́ще такова́я:

Рáдуйся, Дéво, Всевы́шняго Мати; рáдуйся, дíвный ра́ю благодáти.

Рáдуйся, нáша отрадо небéсная; рáдуйся, людем надéждо извéстная.

Рáдуйся, óбраз бо Твой спасéние возвещáет всей землi; рáдуйся, взор бо Твой утешéние пребывáющим во тли.

Рáдуйся, свéте небéсный, мглу нáших дний озаря́й; рáдуйся, цвéте нетлénный, тлен нáших дел оживля́й.

Рáдуйся, Ты бо молiтвы о мiре всем к Сы́ну твори́ши; рáдуйся, я́ко в тёплой молiтве, áки светiльник, горiши.

Рáдуйся, рáдостно Ти восклицáем; рáдуйся, пéсненно Тя воспева́ем.

Рáдуйся, Невéсто нетлénная, свéтлая нáша отрадо.

Кондак 2

Ви́дя чúдо непостижiмое, недоумéет ум до́льний та́йны Твоея́ разумéти, Пречíстая Богоблажéнная Дéво, Ты бо, в лóно чiстое дéйствием Дúха приiмши безсéменно Отчее Слово, Бóга челове́ком сочета́еши и песнь повелева́еши всем пéти: Аллилу́иа.

Икос 2

Разумéвши, Дéво, во́лю Сы́на Твоего́, прия́ла есi от Сего́ в жрéбий Го́ру Афóнскую, и сию́ издрéвле покрóвом Свои́м осеня́юще свы́ше, храни́ши дiвно от бед и напáстей. Благодáтных

же ико́н Твои́х чудесы́ обители́ Афони́я славятся и гласы́ преподо́бными Тя хва́лят:

Ра́дуйся, Де́во, отра́до в печа́лех; ра́дуйся, скоропослу́шнице в ско́рбех.

Ра́дуйся, су́щих в пути́ Одиги́трие; ра́дуйся, хра́мов свяще́нных врата́рнице.

Ра́дуйся, до́брая предвозвѣстнице уныва́ющим в бедѣ; ра́дуйся, ве́рное утешѣние притека́ющим к Тебе́.

Ра́дуйся, бе́дным бога́тство, елеоно́сная Же́но; ра́дуйся, моля́щими Ти благоволя́щая та́йно.

Ра́дуйся, осла́бленных возста́вляющая чу́дно; ра́дуйся, Врача́ Небе́снаго Ма́ти.

Ра́дуйся, Тя бо досто́йно есть пе́ти; ра́дуйся, Тя бо по до́лгу ублажа́ем.

Ра́дуйся, Невѣсто нетле́нная, све́тлая на́ша отра́до.

Кондак 3

Си́ла Вы́шняго Евину го́рдую прѣлесть в оча́х Милосѣ́рнаго всю упразднѣет, и Сын Бо́жий Сын Де́вы быва́ет, и Бог непристу́пный живѣт с челове́ки. Те́мже Воплотившемуся благода́рственное пе́ние немол́чными усты́ возсыла́ем: Аллилу́иа.

Икос 3

Иму́щи тёплую Моли́твенницу, све́том моли́твы сия́ют пред Бо́гом святы́ни Афона́, ликостоя́ще над мо́рем, и я́вно Бо́жия Ма́тере сла́ва Афона́ святы́я главы́ осеня́ет, к пе́нию на всяк час призы́ваючи пусты́нников, пою́щих Ей хвале́бно:

Ра́дуйся, сла́во пусты́нь вожде́ленных; ра́дуйся, чу́до высо́т поднебе́сных.

Ра́дуйся, гор и холмо́в осенѣние; ра́дуйся, скал и стремни́н освяще́ние.

Ра́дуйся, Ею́же открыва́ется путь в небе́сныя страны́; ра́дуйся, Ею́же отверза́ется рай нетле́нных весны́.

Ра́дуйся, крине́ в юдо́ли, благоуха́нная ра́досте; ра́дуйся, ли́лие в по́ли, приснотеку́щая сла́досте.

Ра́дуйся, све́та восто́че, до́лы земли́ озари́вый; ра́дуйся, жи́зни пото́че, во́ду живу́ю яви́вый.

Ра́дуйся, гласе́ немол́чных молѣ́ний; ра́дуйся, щите́ свяще́нных селе́ний.

Ра́дуйся, Невéсто нетлénная, свéтлая нáша отра́до.

Кондак 4

Бу́ря страсте́й пото́пити нас хо́щет, Ты же, о Дéво, о челове́честем роде, éже спасти́ ны, в моли́твах пред Сы́ном сладча́йшим стои́ши. О Ма́ти, лю́дем благáя отра́до, Ты ви́диши бéздну грехо́в нáших лю́тых, мы же, в пучи́не ислéния поvéрженнии, не смéем возвести́ очес и пéти: Аллилу́иа.

Икос 4

Слы́шахом, я́ко Ватопéда обите́ль сла́вится о́бразом чу́дным, ему́же есть дрéвнее и́мя Отра́да. О нем предáние стáрец блаже́нных хранит́ благода́тную дивну́ю по́весь, во сла́ву Богороди́цы заступни́цы, да слы́шаще сию́, поём Пречи́стей:

Ра́дуйся, ми́ру благáя Отра́до; ра́дуйся, ве́рным стено́ и огра́до.

Ра́дуйся, чу́до чудес́ несказáнное; ра́дуйся, не́бо небес́ осия́нное.

Ра́дуйся, безмо́лвником святы́х желáний кра́ю; ра́дуйся, ищущим безмяте́жия желáнный ра́ю.

Ра́дуйся, я́ко Тобо́ю вся́ка душа́ оживáет; ра́дуйся, я́ко Тобо́ю мёртвенный ум воскресáет.

Ра́дуйся, ве́ры горни́ло, и́мже неvéрие та́ет; ра́дуйся, та́йная си́ло, я́же от тли возставля́ет.

Ра́дуйся, сла́во отшельников́ твёрдых; ра́дуйся, крéпосте и́ноков бо́дрых.

Ра́дуйся, Невéсто нетлénная, свéтлая нáша отра́до.

Кондак 5

Богороди́тельнице, Дéво Пречи́стая, ро́ждшая жизнь́ всему́ ми́ру, ро́ждшая ми́лости бéздну, о́ком яснэйшим зри́ши нáших печáлей пучи́ну, слы́шиши гла́сы земны́х воздыхáний, ско́ро к нам на по́мощь притека́ющи, и учи́ши нас пéти Всеблагóму: Аллилу́иа.

Икос 5

Ви́дяще, я́ко несть у и́ноков стра́жи, и áлчуще зláта и кро́ве, дёрзко разбо́йницы с мо́ря обите́ль святу́ю в но́щи облага́ют, да зело́ у́тро, врато́м отворéнным, убивше́ мона́хов, расхи́тят святы́ни.

Ты же, неусыпная Заступнице, удел Свой защищаеши, да славит Тя:

Радуйся, Ватопеда отрадо; радуйся, вражим кознем преградо.

Радуйся, замыслов злых обличение; радуйся, лютых врагов отражение.

Радуйся, яко не усыпаеши, Свой спасаючи удел; радуйся, Ты бо бодрственно отвращаеши тучи смертоносных стрел.

Радуйся, крепосте чтущих святость икон Твоих чудных; радуйся, столпе поющих славу чудес Твоих многих.

Радуйся, кратких победы и поражение гордых; радуйся, правых защиты и посрамление лживых.

Радуйся, Ты бо еси заблуждших кормило; радуйся, Ты бо еси молитвы кадило.

Радуйся, Невесто нетленная, светлая наша отрадо.

Кондак 6

Проповедники милости Твоея вси мы есмы, Богомати, девственный бо Твой взор потоки любви и щедрот изливает: Ты нас храниши во входах и исходах, спасаеши верных на суши и в мори, аще токмо искра покаяния возникает в сердце, еже воспевати Спасу: Аллилуиа.

Икос 6

Воссиявшу светилу noctному, игумен обители, став пред иконой Твоею, глас слыша: «Врат не отверзайте днесь». Трепетом же объят сый, сиче старец восклицаше:

Радуйся, Дево, Ты бо еси стража святыни; радуйся, яко дом Твой спасаеши ныне.

Радуйся, щите заутра и нощию; радуйся, грозная силою многою.

Радуйся, Ты бо щадиши грешныя милосердием Твоим; радуйся, Ты бо поражаеши сильныя, восстающия на ны.

Радуйся, венче надежды, знаменованье мира; радуйся, желе победы, обетование славы.

Радуйся, сапфире, подобный видению неба; радуйся, светлый престолу и колесница Царева.

Ра́дуйся, я́ко глас Твой сла́док ушима; ра́дуйся, я́ко о́браз Твой кра́сен очима.

Ра́дуйся, Невéсто нетлénная, свéтлая на́ша отра́до.

Кондак 7

Хотя́ к покая́нию ны подвигну́ти, веща́ет нам глас богоно́сных писа́ний: «Сын Человéческий близ есть, Суд Его́ Стра́шный при двéрех». Обáче неради́м о кончи́не, лени́ви су́ще, и гро́зным глаго́лом не внемлем, вси бо суетé повинни во́лею, и сло́во изрещи́ не véмы Богу: Аллилу́иа.

Икос 7

Но́вое чу́до разумева́я и дивный глас слы́шав, ста́рец игу́мен к о́бразу взор свой возво́дит и ви́дит: се, ли́цы пред ним ожива́ют, и Де́ве гро́зный Младéнец уста́ загражда́ет, глаго́ля: «О Ма́ти, не провещава́й, да нака́жутся». Ста́рец же, ужаса́ясь, поёт Пречи́стей та́ко:

Ра́дуйся, Де́во, Влады́чице ми́ра; ра́дуйся, не́ба Цари́це благáя.

Ра́дуйся, я́ко Бо́жий гнев утoляеши; ра́дуйся, я́ко гро́зный суд отвраща́еши.

Ра́дуйся, Мати всеми́лосéрдая, избавлénие от бед; ра́дуйся, по́моще благода́тная, упова́ние душáм.

Ра́дуйся, Ты бо печа́ли на́ша отго́ниши ско́ро; ра́дуйся, Ты бо болéзни грéшных врачу́еши дивно́.

Ра́дуйся, я́коже у́тро, свет пролива́ющая ти́хий; ра́дуйся, я́коже со́лнце, согрева́ющая хла́дныхя ду́ши.

Ра́дуйся, чу́дная Отрокови́це; ра́дуйся, дивная Богоневéсто.

Ра́дуйся, Невéсто нетлénная, свéтлая на́ша отра́до.

Кондак 8

Стра́нно и сумни́тельно есть неvéрным благо́е заступлénие Влады́чицы на́шея; мы же, о Де́во, единомы́сленно взóры к Тебе́ обра́щаем, Ты бо в день воздая́ния нас не оставля́еши; простри́ у́бо нам ще́дную Твою́ ру́ку, грехми́ бо падо́хом до а́дския бéздно, и кто

нас избáвит от грядúщих мук, кто же нас утвердít, во ёже пéти:
Аллилу́иа.

Икос 8

Вся любвё к христиáном испóлнена сýщи, отвóдит Мáти десни́цу слáдкаго Сы́на и, máло лицé отклоня́ющи, стáрцу глаго́лет: «На стéны бра́тия вся да выхóдят и лю́тых разбо́йников да отража́ют». Стáрец же всю бра́тию глаша́ет, и, ви́девше вси чúдо, воспева́ют:

Ра́дуйся, Мáти благáя Христова; ра́дуйся, т́хой пусты́ни покрóве.

Ра́дуйся, áще и не вéмы, ќими Тя хвалéбными возвели́чим словесы́; ра́дуйся, áще и не вéмы, ќия благодáтныя принесём Ти похвалы́.

Ра́дуйся, я́ко Свет превéчный носíла ес́и неопали́мо; ра́дуйся, я́ко Огнь ипостáсный держáла ес́и непостиж́имо.

Ра́дуйся, Тя бо íмамы небори́мую стéну; ра́дуйся, Тя бо вси вéмы м́лости вéлию бéздну.

Ра́дуйся, Херув́имов честн́ейшая; ра́дуйся, Сераф́имов сла́внейшая.

Ра́дуйся, на небеса́ взоше́дшая; ра́дуйся, с Сы́ном Твои́м ца́рствующая.

Ра́дуйся, Невéсто нетлénная, свéтлая нáша отра́до.

Кондак 9

Вся́каго, úзким путём иду́щаго, Иов, страда́лец пред Бо́гом, мúдренно поучáет, глаго́ля: се, благочéстие — мúдрость и блага́ всем уходя́щим от м́ра и слáдостный по́двиг моли́твы подъя́вшим, íмже помога́ет Богоро́дица в моли́твах укрепля́тися и зва́ти: Аллилу́иа.

Икос 9

Вет́ии церкóвнии недоуме́ют, ко́е сло́во изрещ́и в похвалу́ Богомáтере; мы же, ра́достно в хра́ме сем зря́ще спи́сок с ико́ны Отра́ды, афо́нских оби́телей дар драгоце́нный, в моли́тве мы́сленно соедини́мся с хвалéбными ли́ки отце́в-святогóрцев, íже от заобла́чных высóт свои́х Пречи́стую пéти нас приглаша́ют:

**Ра́дуйся, стран и наро́дов святы́не; ра́дуйся, всех христиа́н
благосты́не.**

**Ра́дуйся, Огнь во утробу прия́вшая; ра́дуйся, Сло́во во плóти
яв́ившая.**

**Ра́дуйся, óблаче свéта лёгкий, в мир принéсший Христа́;
ра́дуйся, лéстнице, возводя́щая от земли́ на небеса́.**

**Ра́дуйся, ста́мно ма́нны, а́лчущим сла́дкая пи́ще; ра́дуйся,
ча́ше злата́я, жа́ждущим но́вое пи́во.**

**Ра́дуйся, вы́шнее не́бо, свет озаря́ющее ве́рным; ра́дуйся,
ту́чная ни́во, всем веселя́щая ду́ши.**

Ра́дуйся, т́хая Ангелов сла́во; ра́дуйся, лю́дем благая́ отра́до.

Ра́дуйся, Невéсто нетле́нная, свéтлая на́ша отра́до.

Кондак 10

**Спасти́ся от ми́ра коль вожде́ленно: ум к небеси́ устрем́ивше,
чу́ства возне́сше над тле́ном, иму́ще еди́но едúха стремлéние к
гóрним, еди́ну сéрдца наде́жду на Бо́га. Помогáй убо нам, Дéво
Богорóдице, и в путь веди́ нас пра́вый éже пéти: Аллилу́иа.**

Икос 10

**Цари́цы óбраз честный́ приéмлюще, я́ко благословéние
Влады́чицы, мо́лимся и веруем и поем:**

**Ра́дуйся, я́ко еси́ нам покрóв благодáтный; ра́дуйся, я́ко еси́
нам залóг упováний.**

**Ра́дуйся, сущим в беда́х утешéние; ра́дуйся, сущим во гресéх
вразумлéние.**

**Ра́дуйся, я́ко в час гнéва Бо́жия сeрдца́ укрепля́еши; ра́дуйся,
я́ко в день испытáния умы́ умудря́еши.**

**Ра́дуйся, я́ко злых наве́тов ту́чи от нас отвращáеши; ра́дуйся,
я́ко в гóды бeдствий не до конца́ погубля́еши.**

**Ра́дуйся, я́ко во дни бурь безбо́жных Ты еси́ еди́ная нам
при́стань; ра́дуйся, я́ко прeлестей лóжных избавля́еши нас
при́сно.**

**Ра́дуйся, в жи́зни нам т́хая ра́досте; ра́дуйся, в ве́чности
ра́йская сла́во.**

Ра́дуйся, Невéсто нетле́нная, свéтлая на́ша отра́до.

Кондак 11

Пѣние хвалѣбное Спасителю вси воспевáем, áще и владѣют в мѣре сем тѣмныя сѣлы. Но вѣрным тóкмо молѣтва есть сѣла, слѣзы же им залóг и побѣды, и слáвы. О Дѣво Мáти, даждь нам слезáми омýтися и бóдренно пѣти всегда: Аллилу́иа.

Икос 11

Свѣтлая рáдость на лицах сияет, вѣлий глас вопиѣт от Афóна: Влады́чица шѣствует к вам, исходите, сретáйте Дѣву небѣс со свещáми, сретáйте же пáче сию со слезáми рáдости, любвѣ и умилѣния и прáзднуйте, и свѣтлым глáсом пойте:

Рáдуйся, кивóте освящѣнный; рáдуйся, престóле вознесѣнный.

Рáдуйся, гóрних чинóв воспевáние; рáдуйся, áдовых сил трепетáние.

Рáдуйся, я́ко есѣ весѣлие челоуѣческим сердца́м; рáдуйся, я́ко есѣ спасѣние совратѣвшимся душа́м.

Рáдуйся, я́ко глас Твой преслáдкий вѣчную рáдость вещáет; рáдуйся, я́ко взор Твой претѣхий нам тишинú обеща́ет.

Рáдуйся, я́ко Сы́на и Бóга Ты умо́лиши о люóдах; рáдуйся, я́ко райских черто́гов Ты нам отверза́еши двѣри.

Рáдуйся, хра́мине Дýха Свята́го; рáдуйся, ски́ние Бóга жива́го.

Рáдуйся, Невѣсто нетлѣнная, свѣтлая на́ша отра́до.

Кондак 12

Благода́тней Мари́и áнгельски днесь воспевáем песнь, Сия́ бо есть слáдость, и рай, и блажѣнство, отра́да в час испытáний и гнѣва, наде́жда блажѣнств безконѣчных по смѣрти. Рáдуйся ўбо, Засту́пнице усѣрдная, и рáдость подавай нам пѣти Бóгу: Аллилу́иа.

Икос 12

Пою́ще заступлѣние Пречѣстыя, мо́лимся, да защитѣт Богомáти óбразом дѣвным Отра́ды Цѣрковь Христо́ву и люóди, да

вовѣк не угаснет лампада пред ликом спасительным Богоневѣсты, сонми же монахов гласом радости с миряны немолчно да взывают:

Радуйся, храме, светлейший Сиона; радуйся, свете и славо Афона.

Радуйся, иноков мысль непрестанная; радуйся, девственных песнь неумолчная.

Радуйся, яко росу утешения посылаеши во дни; радуйся, яко слезы умиления исторгаеши в нощи.

Радуйся, дивное имя, чудотворящее в тайне; радуйся, Божие миро, в мир излиянное щедро.

Радуйся, яко Тобою лиется нам свет безконечный; радуйся, яко с Тобою вечно Младенец предвечный.

Радуйся, светлосте людем, Тя чтущим; радуйся, радости нам, Тя поющим.

Радуйся, Божия Мати, Невесто нетленная, светлая наша отрадо.

Кондак 13:

О всепречистая Дѣво, светлая наша отрадо, сладчайшаго Сына нетленная Мати! От всяких бед и скорбей ограждай нас и от будущих мук избави нас, Благая, радости же вечныя сподоби нас у горняго престола воспевати: Аллилуия.

Этот кондак читается трижды, затем 1-й икос и 1-й кондак.

Молитва

О Пресвятая Владычице, Госпоже Дѣво Богородице, Невесто нетленная, Мати благословенная, светлая наша отрадо, вожделенное утешение! Приими ныне дерзновенное и неотступное моление сие, от грешных устен и недостойных душ Тебе приносимое пред святым и светозарным Твоим образом. Пощади ны, милостивая и милосердая и щедролубивая наша заступнице, и не предаждь нас суду и гневу Сына Твоего и Спаса нашего, Господа Иисуса Христа, Емуже без конца согрешихом и повинни есмы осуждению и праведному Его изречению, да накажемся по грехом нашим, превозшедшим всякую меру Его долготерпения. Приникни с высот Твоих горних, идеже Ангели трепетно славят Тя, и воззри

на нашу дольнюю нищету: како обнищавом верою, како бедствуем надеждою и оскудехом любовию, како умом омрачимся, сердцем же и чувством ожесточимся. Уврачуй нас молитвою Твоею, Дево целбнице. Возстави ны, падшия духом, укрепи разслабленныя умом, возбуди унылыя и отчаянныя, исцели болящия душею и телом. Призри на державу нашу и пощадй ю, Божий отводящи Твоим предстательством гнев. Укrotи гордостная стремления людей и богоотступная их шатания. Возвей тихое дыхание благодати Твоея на смятенныя души и сокрушенная сердца. Сохрани супружеством чистоту, материнству честь, девству благословение. О миролюбивая, благоднейшая и тишайшая Дево Мати, о падениих наших скорбящая, о спасении нашем воздыхающая! Утоли церковныя бури, умири расколы и распадения, собери расточенныя, обрати отпавшия и всех приведи в единение Святыя Церкви, да единокорно и единомудренно славится на земли, якоже и на небеси, единое святейшее и спасительное имя Единосущныя Троицы, Отца и Сына и Святаго Духа во веки веков. Аминь.